

# INUIT ATAQATIGIIT



Nuuk, 25.04. 2013

Inatsisartut Suleriaasianni § 37 naapertorlugu matumuuna Naalakkersuisunut imaattunik apeqquaqarput.  
(Inatsisartunut ilaasortaqaq Maliina Abelsen, Inuit Ataqatigiit)

## Apeqqutit:

1. Aningaasarsiornikkut inissisimanerput pillugu Aningaasaqarnikkut Siunnersuisoqatigiit kiisalu Akileraarternermut Atugarissaarnermullu Isumalioqatigiissitat ersarissorujussuarnik siulittuuteqarput. Atugarissaarnermullu Isumalioqatigiissitat inuiaqatigiinnut neqeroortigineqartartut ullumikkutut (kisiannili pitsanngoriaateqanngitsumik) ingerlatiinnarneqassappata aammalu utoqqalisartut amerliartornerat eqqarsaatigigaanni, 2040-p tungaanut ukiumut agguaqatigiissillugu 1 milliard koruunit pisortat karsiini amigaatigineqalisasut ilaatigut siulittuutigineqarpoq.  
Taamaammat Aningaasaqarnikkut Siunnersuisoqatigiit kiisalu Akileraarternermut Atugarissaarnermullu Isumalioqatigiissitat siulittuinnerminni naatsorsuisimanerat suliaallu Naalakkersuisut akuersaarsinnaaneraat apeqqutigerusuppara ?
2. Maluginiartariaqarpoq Naalakkersuisooqatigiit aningaasarsiornikkut qanoq ineriartortoqassanersoq eqqarsaatigalugu pilersaarummik maannamut saqqummiussisimanngimmata. Taamaattumik siunissami atugarissaarnerup akissaqartinneqartuarnissaa qulakkeerniarumallugu Nunatsinni aningaasarsiornikkut qanoq iliuseqartoqarsinnaanera pillugu pilersaarummik Naalakkersuisut aamma saqqummiussilersaarnersut apeqqutiginiarpara? Taamaattoqassappat, taava ukiumoortumik Aningaasaqarnikkut inissisimaneq pillugu nassuiaateqartarnerup saniatigut qaqugu tamanna pilersaarut naatsorsuutigineqarsinnaava?
3. Aviisimut Politiken-imut Naalakkersuisuni siulittaasunngorsimasoq 28. marts 2013 imaattunik oqaaseqarpoq: *"Aningaasarsiornikkut isertitarineqarsinnaasut eqqarsaatigalugit arlaqartutigit takorluugaqarpugut, taakkuli maannakkoqqissaaq tusagassiorfinnut suunersut saqqummiussinnaanngilavut sulilivilluta suli maannamut aallartissimannginnatta"*. Naalakkersuisut maannakkut aningaasarsiornikkut isertitarineqarsinnaasut suut ilisimaneqalereersimanngitsut naatsorsuutiginerlugit ilisimatitsissutiginnaanerlugit?
4. Aningaasaqarnikkut ingerlatsineq ataqatigiisaagaq pilersissinnaajumallugu Naalakkersuisut isumaginninnerup, inisialortitsinerup aammalu utoqqalinersiaqartitsisarnerup iluini nutarterissamaarlutik pilersaaruteqarnerlutik? Taamaattoqarpat paaserusunnarpoq sutigit qanorlu nutarterisoqarnarner-soq?
5. Inoqutigiit qanoq aningaasarsiaqartiginerat apeqqutaatikunnaarsillugu Naalakkersuisooqatigiit partiivisa neriorsuutigereerpaat kikkut tamarmik assigiimmik utoqqalinersianik pissarsisalissasut. Taamaalilluni utoqqalinersiaqartitsisalernissami aapparit imminnut tapersersoqatigiittariaqarneran-nik pisussaaffeqartitaanerat atorunnaarsinniarnearpoq. Naalakkersuisooqatigiit isumaqatigiissutaanni tamanna pillugu imaattunik allassimaso-

qarpoq: *“Utoqqalinersiuteqartarnermi aaqqissuussineq inerisarneqaqqis-saaq kommunit peqatigalugit, aappariinneq apeqqutaatinnagu, kisiannili inuttut naleqassuseq aallaavigalugu.”* Nunatsinni utoqqaat aammalu siusi-naarlutik utoqqalinersiaqalersartut qanoq aningaasarsiaqartigereersima-nerat inoqutigiilluunniit qanoq aningaasarsiaqartigereersimanerat apeqqu-taatikkunnaarlugu tamarmik assigiimmik pisartagaqalersinneqassappata tamanna landskarsimut ukiumut 80 millioner koruuninik aningaasartuu-taasalissasoq naatsorsuutigineqarpoq (Tamanna 2009-imi Siumup siunner-suutigimmagu namminneq taamak missingersorpaat).

Tamannamita Naalakkersuisut qanoq aningaasarsiaqartinniarnepaat, ullu-mikkuinnaangitsoq kisiannili aamma ukiut 5-it, 10-it aammalu 20-it qaan-giuppata?

Aningaasat taakku suminganniit matussuserniarneqarpat?

6. Naalakkersuisooqatigiit isumaqatigiissutaanni allaqqavoq: *“Aningaasar-siornikkut akisussaassuseqartumik pilersaarusiortuakkamillu inuiaqatigiit patajaatsumik aqunneqassapput.”*

Siunissami isertitassat aningaasartuutissallu oqimaaqatigiissinniarnissaat ajornannginnerulernani paarlattuanilli ajornakusoornerulissasoq eqqarsaa-tigigaanni, Landskarsip nalinginnaasumik ingerlatsinermut missingersuutai amigartooruteqarfiusartussat Naalakkersuisunit siunnerfigineqartoq tassaa-nerpa aningaasarsiornikkut akisussaassuseqartumik politik-imik ingerlatsi-neq?

7. Inuiaqatigiit aningaasartuutaannut naatsorsuutit nalinginnaasut eqqarsaati-galugit, tassalu ingerlatsinermut missingersuusiortarneq eqqarsaatigalugu Naalakkersuisunit siunnerfigineqarpa aningaasanut inatsisiliornermi iserti-tat aningaasartuutillu oqimaaqatigiissillugit pilersaarusiortarneqartarnissaat?

#### Tunngavilersuut:

Nunatta aningaasarsiornikkut inissisimanagera pilersaarusiortfigineqarnissaalu naalakker-suisooqatigiinnissami isumaqatigiissummi oqaaseqatigiinni pingasuni taamaallaat allaase-rineqarpoq. Aningaasaqarnikkut Siunnersuisooqatigiit kiisalu Akileraartarnermut Atuga-rissaarnermullu Isumalioqatigiissitat siulittuinerminni naatsorsuisimanerat suliaallu ataq-qillugit akuersaaraanni erseqqilluinnarpoq, siunissami Nunarput aningaasarsiornikkut unammisassaartoq maannakkorpiaq illiuseqarfigineqalereertariaqartunik meerartatta siunissami atugarliornerulinginnissaat aamma qulakkeerniassagaanni. Maannamut anin-gaasarsiornikkut unammilligassat ajornartorsiutillu qanoq anigorniarneqassanersut pillu-git Naalakkersuisut tungaanniit tusarlerneqarnissarput ajornakusoorisimaqaaq. Siunissami inuiaqatigiinni atugarissaarneq qanoq attanniarneqassanersuq eqqarsaatigalugu anin-gaasarsiornikkut pilersaaruteqartoqarpasinngilaq. Aningaasarsiornikkut Nunatta inissisi-manera pillugu siunissamilu atugarissaarneq qanoq attanniarneqarsinnaanersuq Naalak-kersuisunngortunit tusarfigissallugu Nunatta soqutigisaanut illersuinerussasoq isumaqar-figinaraluarpoq. 2008-imi 2009-imut aningaasanut inatsisissaq ingerlatsinikkut aammalu sanaartugassatigut annertuumik amigartoorfiusussa qakuersissutigineqarpoq. Siuliini Naalakkersuisooqatigiisut, pingaartumik ukiuni aggersuni Nunatta aningaasarsiornikkut ilungersunarnerusumik inissittussanngornera ilisimaarereerlugu akisussaassuseqartumik aalajangersimapput [2010-imut](#), [2011-imut](#), [2012-imut](#) aammalu 2013-imut Aningaasanut inatsisiliorneq isertitassat aningaasartuutissallu oqimaaqatigiissinneqarnerisigut akuersis-sutigineqassasut. Aningaasat piginngisat imaluunniit pissarsiarineqariinngitsut nalingin-naasumik ingerlatsinermi aningaasartuutissanut atuleriissallugit tunuarsimaarfigisassal-lugu pingaaruteqartupilussuuvuq. Taamaammat Naalakkersuisunit maannamiit aningaa-sanut inatsisiliorarneq siunissami amigartooruteqarfiusassasut naatsorsuutigeqqune-qarmat, tamanna ernumanartuuvuq.